

欽定大清會典事例

欽定大清會典事例卷一百三十六

吏部

處分例

修造

修造○順治初年定各直省通衢大路緊要隄橋不行豫修以致衝決損壞者府州縣官各罰俸一年該撫罰俸六月如有城池不豫先修理以致倒壞者罰俸六月○康熙三年議准官員捐資修理城郭樓臺房寨器械等項該督撫親身詳加查驗保奏後若有不堅固不如式三年以內坍塌者仍令該督撫並督工官賠修捐資

本工官銷去紀錄免其處分。若限內坍塌該府州縣官隱匿不報。被旁人出首者。將該管官革職。如該管官申報督撫。督撫隱匿不報。將該督撫各降二級留任。○九年題准官員解送一應匠役。或名數短少。或不擇良工。以老病不諳之人塞責者。罰俸六月。○又題准官員解送金甌杉木。不選擇精美。以不堪用者解送。或折損。或遲延。皆罰俸一年。布政使巡撫各罰俸六月。○又題准官員於安插官兵居住房屋。不行修理安插。以致占住民房者。罰俸一年。○十五年題

准官員織造緞疋不精好者降一級調用。○又議准官員修造礮臺邊界烽墩不速行修造完結者降一級留任。修完之日仍還其所降之級。不行催之上司罰俸一年。○五十八年覆准水師修造戰船如有不肖營員希圖射利包修者將承修官與該營將官皆革職。督修官照徇庇例降三級調用。督撫降一級調用。○六十年題准在京各處修理工程工價五十兩以內物料價值二百兩以內者照依各處印文准其修理。其工價五十兩以上物料價值二百兩以上者。

由該修理處料估啟奏。工部差官覆覈。會同該處官員首領監修。將用過錢糧管工官名下銷算。如多用錢糧。不行啟奏。即令承修者。將行文與承修堂司各官。皆照應奏不奏例。降三級調用。○雍正元年覆准。各省修理

行宮。並直省倉廩等項工程。一應動用錢糧事件。皆令該督撫奏。

聞工部議覆。再行修理。工完之日。該督撫查明造冊具題。工部詳加覈算。題銷。如有關係錢糧。應啟奏事件。不行啟奏。擅自咨部請銷。而該部據咨。

完結者。即行題叅。照修理工程不行奏請例議處。○五年議准。各省城垣督撫驗明新舊倒塌。如城垣本屬修整。偶有些小坍塌。令地方官於農隙及時修補。務令堅固。若漫不經心。致坍塌過多。該督撫查叅。將該地方官照修造礮臺等項遲延例降一級留任。修完之日。仍還其所降之級。其原坍塌已多。必須備辦物料者。該地方官量行捐修。工竣後。將丈尺詳報督撫。委官勘明。具結申報。如果工程堅固。將捐修各官造冊具題。交部議敘。如各地方官正在興修。尚未竣

工。遇有升遷事故。將所修城垣丈尺。報明督撫。造入交盤冊內。移交接任之人。俟續修完竣。將修理之工程丈尺數目。分別新舊。造具總冊報部。儻地方官因循怠忽。不實心任事。將未修城垣捏報修完者。照修造戰船未經修完捏報完工例革職。甚至借修城名色。科派民間者。照私派例革職治罪。○六年議准。凡修造戰船不能堅固。未至應修年限損壞者。著落承修官賠修六分。督修官賠修四分。仍將承修官革職。督修官降二級調用。至修造戰船。應於定限之外稍

寬限期。小修勒限四月完工。大修拆造勒限六月完工。廣東、福建、浙江、江南、江西、湖廣等省。凡屆修造年分。各該協營於修期兩月之前。豫先估計造冊申報督撫。一面具題。一面檄行監修官。豫先撥銀。即行辦料。惟廣東之瓊州、福建之臺灣。遠隔重洋。於修期四月之前。領銀備辦。山東、天津所用物料。產自浙江。由海駕運。於修期八月之前。領銀購買。則承修之官。得以從容辦理。儻仍有違誤船工。違限未及一月。承修官罰俸一年。督修官罰俸六月。督撫罰俸三月。違限



一月以上。承修官降一級。調用督修官罰俸一年。督撫罰俸六月。違限二月以上。承修官降二級。調用督修官降一級。留任督撫罰俸一年。違限三月以上。承修官降三級。調用督修官降一級。調用督撫降一級。留任。違限四月以上。承修官降四級。調用督修官降二級。調用督撫降二級。留任。違限五月以上。承修官革職。督修官降三級。調用督撫降三級。留任。如承修官玩視船工。將應領之帑。延挨請領者。照遲延豫備軍需例。降一級。調用。儻該上司等故意抑勒。以致遲

延者。將承修之官免議。其押勒之該上司照押勒不收漕運例降二級調用。如承修官將未經修完之船捏以完工轉報。承修官革職。督修官降二級調用。督撫降一級調用。如承修官申報未完。督修官作完申報者。督修官革職。承修官照限議處。如承修督修官申報未完。督撫捏報完工者。督撫革職。承修督修官照限議處。○七年議准。一應工程該管工官不依定限完工者。工部查參。照玩誤工程例議處。如不照限呈遞銷算清冊。而該司亦不依限據實數銷者。皆照

遲延事件例。叅處。如該管工官或有因限期已屆。修理未完。而規避處分。捏報工竣者。查出別行指叅。按所得之罪議處。其有應繳銀兩。不遵定限繳庫完結者。即將該員叅奏革職。勒限催追。限內全完。准其開復。逾限不完。交部照侵蝕正項錢糧例治罪。仍著落家屬追還。如該司官員通同遮掩者。亦照承追虧空不力例議處。此外或有工程浩繁。辦料維艱。其工料銀數至三萬兩以上。難以依限完工者。繕摺奏

聞。再行定限修竣。○又奏准。京都城牆上下。應令步

軍統領會同工部各委官一員。凡有應行葺補修理之處。勘明報部。務於雨水之前。堅固修葺。其所委之官。俟一年任滿。再委官更代。儻官員不加緊修理。及不實力查勘者。一經查出。即行題參。照造作遲延例議處。○乾隆二年。覆准各省墩臺營房。如有坍塌傾圮之處。儻武職不行詳報。照承查遲延例議處。文員不行修造。照修造遲延例議處。○三年。議准嗣後除修造戰船。仍照定例議處外。其內河巡哨船。照戰船原例量為減輕。如逾違不及一月者。免其議處。一月

以上者罰俸六月。兩月以上者罰俸一年。三月以上者罰俸二年。四月以上者降一級留任。五月以上者降一級調用。督修之員。違限一月以上者罰俸三月。兩月以上者罰俸六月。三月以上者罰俸一年。四月以上者罰俸二年。五月以上者降一級留任。督撫違限一月以上者免議。違限兩月以上者罰俸三月。三月以上者罰俸六月。四月以上者罰俸九月。五月以上者罰俸一年。○四年議定。凡修建工程所需物料。不必拘泥從前造報物料定價。悉照時價確估造報。

工竣之日。該管上司委官驗看。並取印結詳報。該督撫等確訪時價。覈明題咨到日。工部再行覈銷。儻承辦各官。浮開捏報。該督撫卽照冒銷錢糧例指叅。如委官驗看不實。卽以扶同徇隱例。叅處。○五年覆准採買一切物料。工部照定例發價。如承辦官侵蝕入己者。查出照冒銷例。叅處。儻有匠作搬運等費。許承辦官將緣由呈明。以聽覈奪。如該員並不呈報。經工部查出。叅奏。照應申上而不申例。罰俸九月。○二十二年。奏准。修造河營。濬柳船隻。令徐揚二道會同河

營參將派委守備二員。共同承修。責成河營參將遊擊督修。如修造葦營石船。派令葦左右營守備輪直承修。責成葦營參將督修。於兩月前豫行估計。領銀辦料。葦營石船。遇大修拆造。定限四月完工。小修限三月完工。河營濬柳船隻。遇大修拆造。定限三月完工。小修限兩月完工。如有遲延。將承修等官咨叅。交兵部照例議處。該管之總河道員。如不行查催。違限一月以上者免議。兩月以上者罰俸三月。三月以上者罰俸六月。四月以上者罰俸九月。五月以上者罰

俸一年。○三十年奏准沿海礮臺邊界烽墩等項如遇損壞該營員查明移報州縣親往查勘報明督撫興修如違限不完該督撫查叅仍照前例議處其僻在內港礮臺如有坍塌處所即隨時修理仍按季造報。○又奏准凡奉

旨修理緊急工程不及先行料估覈算者酌量工程之大小給發錢糧派員速行修竣呈報自工竣之日起限十日內呈遞銷算清冊限十五日內該司覈算呈明至於一應尋常非關緊急工程俱令按工部定限如式完工即行呈報查驗再



於原辦工所。或另有續估之處。仍著原管工官承辦者。按所領錢糧日期。逐案報銷。不得借續派名色。前後牽混。以致挨延。自完工之日起。亦定限十日。呈遞銷算清冊。該司官員按限覈算明白。即行照例題銷。凡有應繳銀兩。均令各司等處。於工竣覈銷後。即行開明數目。限內如數交庫。其一應工程。該管工官員。或有不依定限完工。照修造遲延例議處。又奏准各省修建工程。該督撫等酌量定限。於估報案內聲明。委員趕辦。逾限不完。承修官降一級留任。修完之

日開復督催不力之上司。罰俸一年。其估報遲延者。亦照此例議處。所需物料。按照時價造冊詳報。該管上司另行委員查勘。結報該管官細加覈對詳報。該督撫等確訪時價。覈明題咨。到日。工部再行覈銷。如有駁查。即將咨駁情節。按限補造。儻有遲延。照造冊遲延例分別議處。若駁查再三。不行據實造報。該督撫查明情弊。如係承辦各員浮開捏報。照冒銷錢糧例指叅。查驗不實之委員。照扶同徇隱例降三級調用。覈對之該管官。照豫先不行查出據詳代為開銷。

例降一級調用。如果造冊詳明官吏有故意駁  
奪刁難勒索情弊。查出照勒指遲延例降二級  
調用。○又奏准河南山東河工堡房如遇州縣  
官升遷事故令其造入工程錢糧項下。接任官  
親詣隄工驗明完固造冊具結咨送。如有破壞  
接任官即行揭報咨參。照礮臺邊界烽墩等項  
不修例議處。堡房仍令賠修完日開復。如該管  
之職員徇縱不加督查。經該管道員揭報。照礮  
臺等項督催不力之上司例罰俸一年。如接任  
官因循接受。即著接受之員賠修。如堡房完固。

接受官故意勒指。照前官已將錢糧徹底清白造冊交代。而新任官推諉不接例。罰俸一年。○又奏准。直省督撫各該屬官。遇有官事所用工料食物。務照時價工價。給予鋪戶。工役。儻有不肖貪鄙官員。肆行科派。擾累小民者。該管上司指名題參。照官員應給民價。竟不給例革職。如該管上司隱匿徇庇。不行題參。將該管上司照徇庇例降三級調用。○又奏准。各省督撫。及有屬員等官到任。其屬員派累兵民。修理衙署。備辦鋪設。及州縣等官到任。其屬下人役。豫為鋪

設修理衙署。派及兵民。並官員每年指稱添換器物。修飾衙署。派累兵民。該管上司即行指實。題參。照科斂律治罪。如該管上司徇庇不參。或勒令屬員修理衙署。添換器物。發覺之日。將該上司一併交部分別議處。再官員升任。或去任。除自置器皿外。署內一應物件。皆須清載簿籍。移交接任官員。僕將在官物件。被家人毀盜。著落舊任官照數賠補。○又奏准。因公誣誤革職人員。情願出資墾田者。准其自備資本墾田開復外。至被參貪婪不法革職擬罪之員。後雖完

職免罪例應回籍。如有該員因隄工城工等類捏稱情願效力。蒙混具呈。希圖逗遛原任地方。該地方州縣及司道府督撫等官不行查逐。及混行收呈代為咨請留工者。將混行收呈代為咨請之員照容留廢員例分別名數議處。○三十三年奏准各省承辦城垣倉庫房間以及隄岸牆壩等工。令各督撫揀派妥員將應修應減之高長寬厚丈尺詳細查明據實確估報明各該督撫查覈工竣報銷城垣由督撫親驗收工其餘各項工程銀數在一千兩以上者由督撫

覆覈題銷。若造冊籠統，不將高寬丈尺逐一分  
析，將造冊之員與率轉之上司，並該管督撫均  
照錢糧造冊不分析明白例議處。若銀數在一  
千兩以下者，該督撫派委妥員詳細查驗咨部  
覈銷。儻仍行籠統未經分析開造，將造冊之員  
並將派出查覈之該司道府等，亦照前例議處。  
督撫免議。至於零星修補房屋牆垣等項，或有  
款項做法開報未詳，或將所用物料丈尺斤重  
遺漏未開，原與造冊籠統者有間。工部隨案黏  
籤指駁，令其更正。毋庸一律查取職名。○三十

五年覆准報修京倉自文到日起限由工部派員查勘令於二十日內造冊呈遞該承辦之司覈計錢糧亦於二十日內繕送清冊咨送巡查都統會奏通倉亦於文到日起由該衙門令通永道等官查勘覈計統於十日內造冊呈送倉場侍郎覈題僮原報修冊內與應修處所不符必須駁查者另行扣限至於造送估冊之後並於二十日內令巡查都統倉場侍郎御史等即行題奏以便及時興修如查估題奏逾限照估報遲延例分別議處○三十七年議定各直



省通衢大路緊要工程不行豫修以致衝決損壞者。府州縣官罰俸一年。道員罰俸九月。○又議定。官員修理城郭樓臺房寨器械等項。該督撫詳加查驗。保奏後。若有不堅固不如式。三年以內坍塌者。仍令該督撫並督工官賠修。若限內坍塌。該府州縣官隱匿不報。被旁人出首者。將該管官革職。該管道員隱匿不報。降三級調用。○四十年覆准。凡官員豫借廉俸興修衙署。係舊料移建他處。或全行拆卸。另行建蓋者。於工竣後保固十年限內。有些小損壞。現任官自

行結補。遇有坍塌倒壞。令後任查明前修原案。估計工料。詳明上司。委勘切實。著落原辦官照數賠繳。並將委驗出結之員。報部叅處。照不行查明給結例。罰俸一年。○嘉慶十二年

論溫承惠等奏會議商捐官撥船隻。分派沿河州縣經管一摺。此項官撥船隻。既據該督等查明所需津貼費用。該商等情願仍照原數報捐。並據稱此項船隻自歸併通州武清天津三州縣承管。因船數過多。照料難周。遂致損失。今既籌議章程。仍應分派沿河十八州縣經管。以圖經久等語。所奏自係實在情形。著

照所請辦理。但船隻既分派各州縣經營。恐該州縣等因係官捐之物。不甚留心愛惜。致易損壞。自應酌議保固限期。嚴定考成。以船隻之多寡。日期之久暫。為處分之輕重。其如何明立章程之處。著該部妥議具奏。欽此。遵。

旨議定。沿河州縣所管之船。分作十成。計經營年分。即自新船解到接收之日起。至十年保固限滿之日。止。限內損失。僅止一二成者。責令賠補。免其議處。船隻撥運已屆八九年者。遇有損失。仍責令賠補。亦應免其議處。其撥運在六七年之內。

損失至三四成者。經營之州縣。罰俸一年。該管道員。罰俸六月。五成以上者。經營之州縣。降一級留任。該管道員。罰俸一年。其撥運未滿五年。損失至三四成者。經營之州縣。亦降一級留任。該管道員。亦罰俸一年。五成以上者。經營之州縣。降一級調用。該管道員。降一級留任。損失船隻。俱責令經營州縣。照數賠補。○道光六年。奏准各省修建工程。承辦官實係有心捏報浮開工料例價。希圖冒銷。查明情弊。顯然者。革職提問。查驗不實之委員。降三級調用。覈對之該管

官降一級調用。如承辦官於應用工料不能詳  
數例案。以致多開銀兩。經工部籤駁後。始行遵  
數。數減者。將承辦之員。及查驗數對各官。俱照  
承問失入部駁改正例。減等議結。如例應革職  
者。減為革職留任。例應降級調用者。減為照所  
降之級留任。若因物料運脚時價昂貴。今昔情  
形不同。承辦官應於請銷時。隨案切實聲明。以  
憑查數。如於部駁數減後。始行聲覆者。將承辦  
官降一級留任。查驗之委員。罰俸一年。數對之  
該管官。罰俸六月。○又奏准工程完竣。有匠作

擬運餘贖料件等費。許承辦官將緣由呈明。於  
贏餘銀兩內數銷。如不行呈明。即自支給。照應  
申不申公罪律。罰俸六月。○又奏准。

天壇望銍行木。運送到通。交地方官敬謹收管。於高曠  
處所支墊。風時俟木性乾透更換。以資經久。如  
任置放河干。不加支墊。迨工用之時。尚形潮溼  
者。將收管不慎之通州知州。照不應重公罪律  
降二級留任。該管之通永道。降一級留任。至暨  
立以後。交太常寺奉祀官等常川查看。豫為防  
護。如不能覺察。直至剝蛀剝落。始行呈報。將奉

祀官等降二級留任。該寺堂官降一級留任。○  
又奏准官員恭辨

大差。道路橋梁不能坦平堅固。致有水衝泥淖者。  
降一級調用。

欽定大清會典事例卷一百三十七

吏部

處分例 河工

河工○順治初年定黃運兩河隄岸修築不堅  
一年內衝決者管河同知通判州縣等官降三  
級調用分管道員降一級調用總河降一級留  
任如異常水災衝決者專修督修官俱住俸修  
築完日開復本汎隄岸衝決隱匿不報另指別  
處申報者加倍議處如一年外衝決者管河等  
官革職戴罪修築分管道員住俸督修完日開



復本汛隄岸衝決隱匿不報另指別處申報者  
管河等官降二級調用分管道員降一級調用  
總河不行詳確具題罰俸一年如地方衝決少  
而申報多者具報官降三級調用轉詳官降二  
級調用總河不行詳查具題降一級留任至衝  
決地方限十日申報過期始報者降二級調用  
其沿河隄岸豫先不行修築以致漕船阻滯者  
經管官降一級調用該管上司罰俸一年總河  
罰俸六月○又定經徵河銀一年內全完三百  
兩以上紀錄一次○十六年定河工各官無論

升遷降調俱將任內修防事宜開明候交代離  
任如本汛隄岸衝決將該管官參處○十七年  
題准修築隄岸工完各具伏秋無虞印結同冊  
奏銷如本年衝決者指參議處○康熙元年題  
准凡修築黃河隄岸一年內衝決者參處修築  
之官一年外衝決者參處防守之官運河隄岸  
三年內衝決者參處修築之官三年外衝決者  
參處防守之官如限年之內修築之官已去而  
防守之官不行料理致有衝決者將防守官一  
併參處○八年

諭。河工原有額設錢糧。近聞沿河居民因河工苦累。此

皆該地方大小官員不念民艱。縱役侵剋所致。若督撫等官實心料理。則貪官蠹役安得嚇騙苛派。肆害百姓。以後有此情弊。被訪查發覺。定將該地方大小官員從重治罪。不恕。○九年題准。官員奉修衝決地方。雇夫不發。或令窵淺不行窵者。或稱非本汛推卸者。或將柳埽椿木等物不行速辦。以致遲延河工者。州縣官降三級。調用道府官降一級。調用。○十五年議准。修築黃河隄岸。定限一年。運河隄岸。定限三年。如黃河隄岸在半年內衝

決運河隄岸在一年內衝決者其防守之員如  
即係修理之員將經修防守之同知通判州縣  
等官皆革職道員降四級調用總河降三級留  
任如黃河隄岸過半年限內衝決運河隄岸過  
一年限內衝決防守之員即係經修之員者將  
經修防守之同知通判州縣等官皆降三級調  
用道員降二級調用總河降一級留任如過黃  
河定限一年運河定限三年衝決者將管河各  
官皆革職戴罪修築道員任俸督修至工完之  
日開復總河罰俸一年若黃河半年運河三年

限內經修之員已去而防守之官疏忽致有衝  
決者將原修及防守之同知通判州縣等官一  
例處分其黃河半年運河三年限內本官所修  
隄岸如遇衝決隱匿不報別指他處申報衝決  
者將經修防守之同知通判州縣等官革職司  
道降五級調用不行確查具題之總河降三級  
調用○十七年議准沿河知府有地方之責如  
遇有衝決等事照道員一例處分凡隄岸工程  
均限半年完工如限內不完將承修官罰俸一  
年督修道府罰俸半年再限三月完工如再不

完將承修官降一級調用督修道府罰俸一年  
如係革職戴罪承修之官半年限內不完降一  
級調用其降調官工程別委官限三月完工如  
不完罰俸一年督修道府所屬官員工程一年  
內不完降一級調用如限內不完總河不行題  
叅罰俸三月若係限內難完之大工總河豫先  
題明至於分管官所築隄工有一處不堅固盛  
水即漏並有一二丈不豐滿合式者降一級調  
用兩處不堅固盛水即漏並有三四丈不豐滿  
合式者降二級調用三處不堅固盛水即漏並

有五丈以上不豐滿合式者革職。監理官所轄  
分管官有因築隄不堅固合式一人議處者罰  
俸一年。二人議處者降一級調用。三人議處者  
降二級調用。四人以上議處者將監理官革職。  
如議處議敘相同者准與抵算。如係監理官揭  
募夫不將急需料物速即協買上緊解運以致  
遲誤河工者題參將州縣官降三級調用。道府  
官降一級調用。○二十年

諭河道漕運關繫重大所關河漕一應情罪俱不免赦

○二十三年議定。隄岸衝決。河流遷徙者。仍照舊例處分。至河水漫決。河流不移者。限年之內。令經修官賠修。如過年限漫決者。令防守官賠修。○三十九年議准。嗣後侵帑誤工。如分管微員。照例懲處。其現在河員。及在工效力旗員。題叅革職。○又議准。河工隄岸衝決。如河流不移者。將管河各官。皆革職。戴罪勒限半年。賠修。道員各降四級。督賠完工開復。如限內不完。將賠修官革職。道員降四級。調用。總河降一級。留任。未完工程。仍令賠修。如限內不完。道員不行揭



報總河不行題。參照徇庇例議處。○又議准嗣後排椿購木令該道廳赴工驗看。是否與原估尺寸相符。令承築人員椿用整木鐵釘埽用整柴鑲塞如修築不堅。該道廳揭報徇隱一併究參。汎弁斥究。○又議准嗣後挖河之土盡堆原估隄上層層杵碾成隄。不許估計散土以滋堆高假河之弊。僮挑挖不深以致引水淹漫虛報淤墊者除錢糧不准開銷外以侵帑誤工題參等問。○又

論河工積弊汎官利於隄岸有事修建大工得以侵冒

河帑又希圖修橋建廡興無益工程於中取利著嚴  
飭各官痛改前非加謹修防僅有故違定行正法以  
示懲戒其地方有司官員膜視河工致有貽誤者題  
叅到日將地方官亦行正法○又議准嗣後河工官  
員實心任事修築堅固者該督撫保題現任者  
以應升之缺即用候選官以應補之缺即用其  
怠玩虛冒者該督題叅革職拏問○四十六年  
議准修防工程道員按工發帑廳員領帑作工  
其微員末弁以及效力人員止令防守險工催  
趙夫役及押運料物不得輕給帑金如該廳親

具保結申詳該道轉詳該督方准給發

乾隆二十四年

增遇有緊急工程辦員不敷必須添派佐雜等官趨辦者取具該道廳等切實保結並將承辦官員職名報明工部查覈如濫委匪人以致工程不完虧缺

帑金將本身革去職銜限一年追完完日開復

原職逾限不完將該廳官革職戴罪勒限一年

俟賠完日開復再逾限不完將該廳官革職該

道降四級勒令賠完完日該道准其開復如又

限內不完將該道降四級調用該督降一級與

該道廳同賠完日准其開復不完將該督每案

罰俸一年仍令該督及道廳同賠還項

乾隆十四年

增各省修做一切工程均照此辦理○四十九年覆准河南隄工

係巡撫就近料理如遇水長即嚴飭管河等官率領堡夫搶護如怠玩貽誤將該地方官照黃河例議處仍查明年限著落賠修○五十二年覆准河督嚴飭各廳豫備料物及時修理其卷下埽箇如不堅固外新內舊雜以爛草以及短少丈尺者該督親勘題參從重治罪該督不參照徇庇例議處○五十四年

諭江隄與黃河隄膝不同黃河水流無定時常改移故特設河官看守江水並不改移故止交與地方官看

守如江水間一泛漲亦非人力所能保湖廣隄岸引  
黃河看守隄工例議處地方官員之處著詳查再議  
具奏欽此遵

旨議定嗣後湖廣隄岸衝決府州縣官員各罰俸一年  
該撫罰俸六月○雍正二年議准河工修築不  
堅致有衝決力能賠修者別委官督令賠修不  
能賠修者題參革職別委賢員給發錢糧修築  
將所用錢糧勒限一年令其照數賠還如限內  
賠完仍准其開復如逾限不完題交刑部治罪  
○三年議准豫東江南蓄水諸湖裁革官員裁

葦一頃者紀錄一次二頃者紀錄二次三頃者紀錄三次四頃者加一級殷實之民種葦四頃給予九品頂戴榮身次年驗明栽種活數造冊題請議敘○四年議定河工承修官員估計工程總河及該督撫等委官確勘工段丈尺椿埽料物如果與所估數目相符覈實具題發帑興修如估計過多存心浮冒查出將承修之官照溺職例革職驗看之官不實心勘驗扶同徇隱照徇庇例議處至工完之日該總河督撫等再行確勘如工程單薄料物剋減錢糧不歸實用

以致修築不堅。不能保固。將承修之官。照侵欺錢糧例分別治罪。其侵欺銀兩。勒限著落該員家屬追賠還項。至所修單薄工程。該員既經浮冒。工程必難保固。令總河督撫等別委賢員。動帑堅固修築。工完題銷。但河防重大。水性無常。儻一時水勢暴漲。人力難施。致有衝決。該總河督撫查明具題。仍照黃運兩河衝決例。分別年限處分。○又議准直隸一切河道工程。令該管官各分工段。照例保固。如有隄岸修築不堅。以致衝決者。該督查明題報。係一年內衝決。將該

管官降三級調用管河道員降二級調用總督降一級留任一年外衝決者該管官皆革職戴罪修濬道員住俸督修完日開復若河工衝決例應參處知府者知府亦照道員例處分○五年

諭。河工關繫國計民生。朕宵旰焦勞。屢頒諭旨。向來河員之怠忽不堪。朕所悉知。每諄諄訓飭。齊蘇勤仰體朕意。實心料理。李世彥、孫國瑜二人。以旗員而膺河工之任。理當黽勉效勞。今仍怠忽若此。應加重懲。以為怙惡不悛者戒。著將李世彥、孫國瑜。即於工所重



枷枷號示衆俟伏秋水汛過後請旨釋放著齊蘇勒查明李世彥孫國瑜在工幾年揆其力量酌令出資效力向聞河工不肖之員竟有將完固隄工故行毀壞希圖興修藉端侵蝕錢糧者此等罪惡尤可痛恨著交與齊蘇勒時加訪查儻再有此等不法之員著即奏聞於工程處正法示衆○又

諭凡隄工事務承修官與地方有司均有責任定例昭然嗣後直隸河道工程著河員與地方官協同承修防護務期保固無虞如限內有衝決之處著落河員與地方官照例賠修儻再敢怠忽推諉著一併革職

照南河河員李世彥孫國瑜之例。枷號工所仍令賠修。以為忽視工程之戒。欽此遵。

旨議定。黃河一年之內運河三年之內隄工陡遇衝決。而所修工程實係堅固工完之日。已經總河督撫保題者。止令承修官賠修四分。其餘六分准其開銷。如該員修築錢糧均歸實用工程已完未及題報。而陡遇衝決者。該總河督撫將衝決情形並該員工程果無浮冒之處。據實保題。亦令賠修四分。其餘皆准開銷。如黃河一年之外。運河三年之外。隄工陡遇衝決。而該管各官實

係防守謹慎並無疏虞懈弛者該總河督撫覈  
明具題止令防守該管各官共賠四分內河道  
知府共賠二分同知通判守備州縣共賠一分  
半縣丞主簿千總把總共賠半分餘六分准其  
開銷其承修防守各官皆革職留任戴罪效力  
工完之日方准開復儘總河督撫有保題不實  
者後經查出照徇庇例議處所修工程仍照定  
例勒令各官分賠還項○又覆准嗣後辦料一  
百萬斤限十日交工二百萬斤限二十日交工  
照數遞增依限報完如逾期不完將承辦遲延

職名題叅。○又覆准各河同知轉發各員承辦物料。取具分辨人員照數領足價值印甘各結申送查覈。如無各結即將該同知侵扣短少之處查叅。汎官領銀不能如數交足。查明題叅分別治罪。○又覆准嗣後採買歲修搶修物料廳汎各官互相稱收印官分辨者亦令廳官稱收取具並無短少印甘各結存案。如有徇隱將該廳汎官題叅加倍治罪。○又議准嗣後沿河州縣遇有被淹之處令地方官會同河員親歷確勘被淹情由據實通報。如有隱匿民災者照報

災急玩例議處查報不實者照溺職例議處○  
又覆准沿河府州縣有才嫻河務者准河臣會  
同撫臣保題升任河工道廳其河工廳汛有才  
守兼優者准河臣會同撫臣保題升任沿河府  
州縣僕徇情升調貽誤者除該員照例治罪外  
仍將保題不實之上司照濫舉匪人例議處○  
七年議准江南蘇松等府兼管水利各官一年  
內果能實力奉行疏濬河道修築隄岸均有成  
效該管道員申報督撫該督撫覈實保題准加  
一級二年内能無誤工程准其加銜一等三年

內始終無懈於河道實有裨益該督撫保題到

印以應升之缺即用其玩視興修致河道淤淺

隄岸傾圮者該督撫即指名題參

乾隆三十年增照河工隄

岸隄先不行修每  
例降一級調用

所用錢糧責令賠補

十二

年覆准江南黃運兩河隄令河道總督轉飭經

管廳汛各官督率在工兵夫各照本汛應積土

方數目逐漸堆積工所以資工用

除寒暑兩月免其積土外

其餘每月黃河一堡二夫責令堆土十五方運  
河一堡二夫除糧船往返修補犁溝撒眼外責

令積土十二方以一年  
合累計積土十萬餘方每月查明細數報總河

衙門不得漸次短少除河兵所積土方入於該

備弁交代項下外其堡夫所積土方每月造於  
新土冊內彙報算入交代。儻不能如數挑積專  
汎官罰俸一年。該管廳員罰俸半年。若挑積不  
及一半。將專汎官降一級。暫留原任。戴罪趨挑。  
乾隆三十年增如數挑積之比准其開優該管廳員罰俸一年。○乾  
隆元年

諭嗣後南北兩河凡有效力人員該河道總督嚴加申  
飭不時訪查務令循分自安毋得仍蹈舊習與紳監  
人等密通親暱以啟地方豪猾生事滋擾之漸如有  
干犯禁令交結作弊者該督撫即查明劣迹據實參

奏不得稍為徇隱並將交結之人一併懲治。○二年  
覆准豫省應修水利地方如係動帑修築工程  
承修各官果能實力辦理修築堅固錢糧並無  
糜費俟保固三年之後該督撫將該員功績覈  
定造冊題請交部分別議敘其專轄監修統轄  
督修之員果能督率有方各屬內毫無怠忽照  
河工秋汛平穩之例量加議敘僅承修之官膜  
視悠忽不豫期修築以致田畝被淹者照河工  
隄岸豫先不行修築例降一級調用專管監修  
之官罰俸一年統轄督修之官罰俸六月僅有



虛冒錢糧侵蝕入己以致工程不堅者將承修之官照侵欺河工錢糧例革職治罪該管各官徇隱不報照徇庇例議處○三年覆准河南山東沿河文武官弁於沿河地方有能自出己資捐栽成活小楊五百株者紀錄一次千株者紀錄二次千五百株者紀錄三次二千株者加一級其濱河民人有情願在官地內捐栽成活小楊二千株或在自己地內栽成千株者該管官申報河督勘明成活數目造冊報部給以九品頂戴榮身如不及議敘之數准其次年補栽仍

將栽成楊樹責令汛官收管培養如廳汛各官  
有將民地指為官地強占栽種希圖議敘者查

出嚴懲

後增革  
職二字

照強占官民山場河泊律治罪

○四年奏准江南水利工程准其將具呈情願  
效力之候補候選人員內揀選年力富強身家  
殷實者列名具題吏部兵部查明與例相符准  
其留工效力其廢員中果係因公誣誤熟悉水  
利有願赴工效力亦令其一體具題收錄效力  
俟工竣之日將題准效力人員查明實在勞績  
題請議敘儘有草率誤工之處即行查參○六

年覆准凡工程完竣應追覈減銀照依雜項錢糧例計以年限著追如限滿不完將承追官初參降俸二級戴罪督催完納復參罰俸一年如承辦之員遇有升遷事故於任所原籍催追限滿不行完繳者該督撫指名查參分別議處○九年覆准江南豐碭銅沛二廳購辦葦柴甚屬艱難將豐碭銅沛二廳舊餉酌量變通就近全辦秣稻照河東之例務於七月內酌定銀數給發該府分發各州縣承辦定限十月完半年內全完到工時該員隨到隨收儘印官辦料遲延

短價累民以及廳官重秤稱收捐勒守候等弊  
即行參處其辦料交工之時派令附近不管河  
工之同知通判等官監守查驗據實稱收儘所  
辦秫稽青溼不乾監收之員即行揭報請參儘  
監收之員通同徇隱該督撫查訪確實即將監  
守之員指名查參仍令監收查驗之該同知通  
判出具並無短少青溼抑勒加派印甘各結詳  
報存查○十二年議准湖北隄岸嚴飭所屬印  
河各官加意稽查隄長止許傳喚雇工毋許濫  
行科派如有曠誤行私勒索滋擾經受害之人

首告或上司查參將該印河各官均罰俸一年  
○十五年奏准各省河工歲修有遲至次年二  
三月始行題估六七月始行題銷者又另案各  
工工完之後竟有遲至二三年始行題銷者更  
有工程已經報銷經工部駁查竟遲至四五年  
不行題覆者嗣後令各該督撫逐一清查於文  
到之日三箇月內即行造冊具題如再遲逾將  
承修督催及該管各上司照例指名題參嚴加  
議處○十七年覆准山東省運河緯路隄工頂  
衝受險並單薄殘缺各工令該管道府會同運

河道親臨照估按段驗修如有偷減草率不如式堅固將承修官照修工不堅例議處官隄土石各工豫先不行修築致有殘缺降一級調用民捻不實力修防致有殘損照緊要隄橋不行豫修以致損壞例罰俸一年○十八年議准河工同知通判等官交代皆係工程物料向因覈算需時並未定有限期往往任意遲延嗣後廳員遇有升調事故皆限三月內將一應經手錢糧並歲修搶修工程統行交代清楚出具切結呈報如有錢糧繁多應展限者咨部請展僅有

虧缺逾限等事即行分別揭叅該管道員督催不力亦照例議處○十九年奏定楊椿為河工必需要料前經總河栽成八萬餘株之後至今十餘載僅添栽一萬四千餘株枯損缺少者甚多嗣後如有勸捐無術培養失宜致有枯損缺少至一千株以上者令該督將廳員職名同汛官一併叅處著令賠補至監生中有於官地內捐栽楊樹四千株及在自己地內捐栽楊樹二千株者照例免其考職給予主簿職銜○二十年奏准南河捐栽楊柳每託河工兵弁經理有

名無實嗣後捐栽楊柳議敘之例即行停止以杜冒濫○又議准河工柳株一項既有捐栽又有兵夫額栽易於混冒惟楊椿葦草二項並無兵夫額栽易於覈驗不致有名無實且定例以來官民捐栽楊樹葦草者寥寥無幾應督令各處力行勸捐以裕工料嗣後河南山東官民捐栽楊柳照依南河之例停止議敘以免冒濫其楊樹蘆葦二項河東與江南稍有不同勢不能照依南河一例停止仍令該督嗣後官民捐栽楊葦務須委官查驗實在成活數目取具造冊



送部題明分別議敘毋使牽混影射致滋冒濫

○二十一年

諭黃河兩岸當夏秋水勢盛漲之時往往刷成支河若不於水落時即行堵築一遇水發則就下之勢必衝突奪溜於河防農田均有關係向時之武陽近日之孫家集皆其明鑒也嗣後該總河等應督率廳汛逐一查勘實力堵築於次年桃汛前完竣其有承辦不力者將該管員弁查叅交部議處其作何分別懲勸著河道總督會同該督撫詳議具奏欽此遵

旨議定江南山東河南等省黃河兩岸灘地衝刷支河

每年於霜降水落之後廳營各官即將各汛內灘地衝刷支河幾道長寬深淺丈尺應築土壩幾道高矮長寬丈尺逐一親加確勘移會地方官覆勘覈計土方分派兵夫堵築如兵夫額數不敷即撥民夫堵築統限霜降後一月內會造清冊詳道覈轉定限次年春融興工挑汛前如式完竣結報該管河道親驗轉詳經過伏秋汛後如廳印各官所築土隄堅實漫灘之水足資抵禦並無坍塌者驗明確實照修築隄工已有成效例議敘如廳營各官於水落後不即親加

估訪移會印官覆勘如印官推諉不即查勘堵築及挑汛前不能完竣者即行查叅照隄岸豫先不行修築例議處至堵築不堅致有坍塌及衝突奪溜情事亦即查明承築各員並監理兼管營汛各官照營築隄工夯杵不堅盛水即漏例議處每年九月後該管河道驗明上年所有支河堵築土壩經歷伏秋大汛如果堅實完整者即取結具題議敘如有承辦不力以致衝突坍塌奪溜者照河水漫決例議處又黃河兩岸隄工內外居民無論本省隔省如有需用修防

之處即知照地方官一體調撥儘地方官不行  
調撥照協辦大工遲延例議處○二十二年覆  
准河工修做歲搶各工程全資料物接濟嗣後  
頭關柴稽等項總於七月內發辦其稽料限十  
月內完半年內全完柴料限十月完半年正  
月內全完二關稽料於九月內發辦十一月完  
半年次年正月內全完其柴料於十一月內發辦  
次年正月內完半年三月內全完如承辦料物各  
員逾限不完及完不足數將該承辦官停升住  
俸再扣限兩箇月完足如限內照數全完准其

開復僮再逾限不完。照例降三級調用。該管道  
府。罰俸一年。至未完料物。如果實欠在民。及留  
存在蕩。即著落接任之員。查明比追運交。儻有  
侵挪虧缺等弊。仍照虧空錢糧例。嚴叅治罪。○  
二十三年議准。運河額夫。照河兵例。每名栽柳  
二十株。於運岸兩旁。籤栽成活。並令隄後坦脚  
栽植雜果樹木。仍令該督等。將每年栽過柳株  
數目。及所栽基址地名。造冊咨報工部存案。如  
栽不及數者。將專管官。罰俸一年。兼轄等官。罰  
俸六月。栽不及半者。專管官。降一級。暫留原任。

戴罪補栽兼轄官罰俸一年枯損在一百株以  
上者責令該管官賠補至一百株以上者降一  
級留任俟賠完日開復○又覆淮河工每年銷  
算歲修搶修等工該總河自行裁減銀兩題銷  
之日起限數在三百兩以下者扣限三月違完  
三百兩以上者扣限六月違完數在三百兩以  
下限滿不完及完不足數者將該員降一級留  
任再展限三箇月如果全完照例開復儻仍不  
完照虧空例革職監違數在三百兩以上限滿  
不完及完不足數者將該員罰俸一年仍接扣

三箇月如再不究降一級留任再接扣三箇月  
如果全完照例開復僚再不究照虧空例嚴參  
革職監追從重治罪其該管河道督催不力亦  
應分別察議如本員罰俸一年者將該管河道  
罰俸六月本員降一級留任者該管河道罰俸  
一年本員革職者該管河道降一級留任三年  
無過開復○又覆准南河現任辦工員弁凡有  
裹減分賠等項銀兩准其責令該道廳參違守  
備等官以來到部咨之日為始分別勒限嚴追  
完報其有應支俸廉人員即於該員應得俸廉

內儘數扣抵報明工部及戶部查覈。儘扣不足數或係不支俸廉之員。逾限不完。將該員弁分別察議。如係現任。停其升調。係效力人員。停其補授。勒限完納。再逾限不完。現任人員。暫行解任。效力人員。暫行革去職銜。仍留工令其完納。完日開復。如仍不完納。現任人員。即行革職。效力人員。即行革去職銜。監追治罪。並於該員任所旗籍查封財產變抵。至承追不力之廳員。守備遊擊。及河庫道。初參復參。仍照承追雜項錢糧定例議處。○又議准河南山東衛漳兩河民



檢工程責令該地方官親詣履勘勸諭居民歲  
加修補不得虛應故事致使坍塌年終出具完  
固印結詳報該總河等查覈報部存案如有失  
時不修及捏報完固者將失時不修之該管官  
照河工隄岸豫先不行修築例降一級調用如  
捏報完固照修造戰船未經修完捏以完工轉  
報創革職沂泗府沈白馬沖魏清趙馬頰徒駭  
老黃等河各該地方官於每年汛後逐一查勘  
如有淺阻梗塞之處立即督率民夫挖濬深遠  
使之暢流無阻並勸諭本鄉紳士有業居民搭

蓋木橋以便行走年終出具印結申送該總河等查覈存案如有失時不治墮廢前功者將該管官照緊要隄橋不行豫修例罰俸一年兼轄官罰俸六月○二十四年奏准江南河道必須寬深足資宣洩淮揚徐海等屬所批水利幹支各河地方河官各按所管河道分任遵定章程善為經理於每歲秋冬水落之時詳加查勘造冊通報如有淤墊阻塞之處或勸用民力或動帑開疏責令該管道府徧歷稽查報明督撫督率妥辦如有不詳報挑濬以致淤淺者將專管

官照河工隄岸豫先不行修築倒降一級調用  
兼轄官罰俸一年。○又覆准河南山東沿河附  
近印河文武員弁並濱河民人於沿河官地及  
自己地內出資捐栽楊葦准其將成活數冊造  
冊報部議敘仍將栽成楊葦責令汛官收管培  
養儻有枯損偷盜等事即將該管汛官查參議  
處仍令賠補如廳汛各官有將民地指為官地  
強占栽種希圖議敘者察出嚴參革職照強占  
官民山場河泊律治罪。○二十六年題准河工  
燒毀物料該管官有善端捏飾情弊者革職嚴

審究追。其巡查不力以致燒毀料物價在一千兩以下者初參將該管官罰俸一年勒限一年賠完限滿不完降一級留任再限一年賠完限內全完准其開復如限滿不完及完不足數降一級調用一千兩至五千兩者初參將該管官降三級留任戴罪賠補限一年內賠完開復限滿不完及完不足數照所降之級調用其離任後仍限一年賠完無完革職至五千兩以上者初參該管官革職暫免離任戴罪賠補限一年內賠完開復限滿不完及完不足數者革任其

降調革職革任人員俱留工交與河道總督轉飭該地方官勒限一年追完。如不賠完著落家屬追賠。○二十八年覆准河工購辦葦柴於四五月間發辦秫稻於七月間發辦均限十二月底全數到工如逾限不完將承辦之該廳州縣降三級調用該管府道罰俸一年仍將未完料物查明如果實欠在民在蕩著落接任之員押令參員催追完報。倘有侵挪虧空照虧空錢糧例嚴參治罪。○又覆准河工辦料修工責令文武廳營分別專管兼管互相稽查如廳員豫備

料物歲內不能依限全到許守備據實揭報題  
叅將專管辦料之廳員降三級調用守備奏明  
免議。僕守備容隱不報經該管上司查叅將兼  
管之守備降一級留任守備修做埽工不能如  
式許廳員據實揭報題叅將專管辦工之守備  
降一級調用。廳員奏明免議。僕廳員容隱不報  
經該管上司查叅將兼管之廳員罰俸一年再  
辦料辦工雖經分隸廳營仍責成該管各道不  
時親身赴工實力查勘毋得據文率轉及委員  
結報塞責致滋推諉捏飾遲延等弊如廳員辦

料依限到齊守備辦工柴土如式即行出具切實印結呈報該督親往查勘僮所報不實除處分廳營外將該管道員一併查叅如係辦料遲延廳員降三級調用者將道員降二級調用如係修做不能如式守備降一級調用者將道員降一級留任賠修完竣准其開復○二十九年覆准河工遇有失事保固限外陡然衝決將用過錢糧除照例准銷十分之六外其餘應賠四分錢糧向例派作四股分賠今改作五股道員賠一股知府參遊共賠二股廳營州縣共賠一

股半。文武汎員並賠半股。○三十年奏准現修  
工處不堅固。怠忽草率。該上司查參責令賠修。  
於賠修之前。暫停治罪。如賠修堅好。免其議處。  
儻賠修之處。又不堅固。仍怠忽草率。則治其罪。  
○又議准河工監收料物。向奏定十六兩準秤。  
至河臣因公防汎。自應輕騎減從。自給資斧。不  
令屬員供應。豈可令其浮收料物。以為彌補陋  
規地步。嗣後河道總督。凡有巡查。公出將家人  
兵役標弁人等。加意查察。嚴加約束。如有仍前  
需索。將官弁立即參處。家人兵役人等。從重治



罪並飭該管道員於查驗料物之時照依奏定準秤稱收。儻各員仍暗地浮收，立即糾參治罪。

○又奏准直隸水田溝洫經工員營治完竣，交與地方官收管。應令各州縣官將所管水利營田畝項數目實在有無修廢，於每年年底逐一造冊申報。該管道河道查覈，如有該管州縣官不能經理修濬，以致河道溝洫淤塞坍塌，已開水田復有荒廢者，照墾地後復荒之例，將州縣官降三級住俸。該管道員降一級住俸，俱勒限一年督令疏濬開墾。限內開完者，准其開復不完州

縣官降三級調用。道員降一級調用。如該州縣規避處分造冊不實照溺職例革職。該管道員徇隱不行揭報。或已經揭報該督撫不行題參者。皆照徇庇例議處。○又奏准河南省衛河自百泉而下。歷仁義禮智信五廂。各設廂夫八名。責成管道員同知通判縣丞主簿等官。不時稽查。儻有盜塞官渠。壅水自利。及河官通同作弊。廂官照故決盜決。山東江南漕河律治罪。稽查不力之員。照黃河半年運河一年內衝決之例分別議處。○又奏准河工官員或因工程屢

修屢塌賠累甚多以致虧空者初參時該道揭  
內聲明免其離任照現行追帑之例勒限半年  
賠完免議如不完解任再限一年全完准以原  
官補用限內完數及半者減等議處若逾限不  
完照例治罪○三十一年奏准嗣後江南河道  
總督每年於冬月水涸之時遵照定例飭委該  
管河員督令河兵揀將坍入河內之石塊搬移  
清理以利運行仍將石塊堆存岸旁以護埽工  
儻該管河員仍前玩視並不實心經理以致種  
般到此損壞即將管河各員照例嚴參議處○

三十三年奏准嗣後河庫每年於四月工程奏銷後及新舊道員交代河臣就近赴庫盤查一次依地方司道盤庫之例如無虧空據實保題僅有侵挪情弊立即嚴參○四十年議准嗣後河工歲報錢糧俱著次年全數查明於第三年正月開印後具題如有逾期該部查明參處○五十二年奏准山東趙王等河新挑各工令州縣官隨時疏濬不實力奉行致有淤墊即將該州縣官查參照河工隄岸豫先不行修築例降一級調用兼轄官罰俸一年捏報挑濬者州

縣官革職兼轄官降一級調用○五十三年

論嗣後東省運河竟不必復拘大小挑之例惟當責成東河總河山東巡撫巡漕御史於每年回空將次過竣時確加履勘若河道並無停淤即毋庸挑挖以節糜費若河道果有受淤或積淤甚厚即當確切估計據實奏聞認真辦理亦不拘於銀數或該督撫因地方河道官員是其所屬意存瞻徇任令從中浮估偷減以為侵漁地步抑或因循玩誤於應挑之工而不奏明挑濬巡漕御史係特派之員俱無所用其迴護自當據實叅奏儻該御史知而不舉隨同隱飾或誤

漕運或任浮冒一經查出即將該御史一併從嚴議處○嘉慶八年議定河工每年銷算歲修事工數減銀兩以奉到咨文之日起扣限追完數在三百兩以下者勒限六月完繳限滿不完及完不足數係現任者停其升調效力者停其補授再限六月完繳限內全完准其開復如再不完將該員降一級戴罪完繳再限六月全完准其開復儘仍不完革職監追數在三百兩以上者勒限一年完繳限滿不完及完不足數將該員罰俸一年現任人員停其升調效力者停其補授再

限六月完繳全完准其開復如再不完將該員降一級戴罪完繳再限六月全完准其開復儻仍不完亦革職監追其該管河道督催不力如本官應罰俸一年者道員罰俸六月本官降一級留任者道員罰俸一年本官革職者道員降一級留任三年無過開復至丁憂終養告病回旗回籍人員通查旗籍任所無隱寄者准其於補官日完繳其河工分賠銀兩未完照戶屬項下分賠代賠例議處○又奏准凡工程完竣應追數減銀兩限滿不完將承追官照雜項錢糧

例議處初參降俸二級戴罪督催完納復參罰俸一年○十三年奏准各省修建工程實係有心捏報浮開工料例價希圖冒銷查明情弊顯然者革職提問查驗不實之委員降三級調用覈對之該管官降一級調用如應用工料承辦官不詳覈例案以致多開銀兩經工部籤駁後始行遵駁覈減者承辦之員及查驗覈對各官俱照承問失入部駁改正例減等議處

如例應革職者

減為革職留任例應降調者減為照所降之級留任

若因料物運腳時價

昂貴今昔不同承辦官應於請銷時隨案聲明



以憑查覈如於部駁覈減後始行聲覆者承辦  
官降一級調用查驗不實之委員降一級留任  
該管上司罰俸一年○道光二十五年奏准湖  
北江漢隄工如水勢驟漲漫溢隄頂並無潰決  
者免其參處因而致潰者將該地方印汛各官  
及專防委員均降一級留任若未漫隄遽被衝  
潰者仍照黃運河隄失事例議處○同治三年  
奏准河工每年額辦料銀並歲麻例價銀兩責  
成藩司於年內先撥四成春間再撥六成其防  
險銀兩於四五月間先撥二成伏秋汛內分撥

六成其餘二成於霜降安瀾後裁撥如該藩司  
逾限未能支發降二級調用○又奏准

持旨嚴追之款如數在一千兩以上之案於文到日  
起限一年完交初參不完罰俸二年再限一年  
完繳二參不完罰俸三年仍再限一年完繳三  
參不完降二級留任另行起限仍令完納完日  
開復一千兩以上之案統作十分計算勒限四  
年分四限以一年為一限每年能完至二分五  
釐者免其處分若完不及數初參罰俸二年二  
參罰俸三年三參降一級留任四年限滿能完

至七分者將降留之案開復按其未完銀兩另作分數再行按年完納如完不及七分者四參降一級調用若完不及七分之半降二級調用五千兩以上之案統作十分計算勒限五年分四限以一年三箇月為一限每限能完至二分五釐者免其處分若完不及數初參罰俸二年二參降一級留任三參降二級留任五年限滿能完至七分者將降留之案開復按其未完銀兩另作分數再行按年完納如完不及七分者四參降二級調用若完不及七分之半降三級

調用一萬兩以上之案統作十分計算。勒限六年。分四限。以一年半為一限。每限能完至二分五釐者。免其處分。若完不及數。初參降一級。留任。二參降二級。留任。三參降三級。留任。六年限滿。能完至七分者。將降留之案開復。按其未完銀兩。另作分數。再行按年完納。如完不及七分者。四參降三級。調用。若完不及七分之半。降四級。調用。五萬兩以上之案。統作十分計算。勒限十年。分五限。以二年為一限。每限能完至二分者。免其處分。若完不及數。初參降一級。留任。二

參降二級留任三參降三級留任四參降四級  
留任十年限滿能完至七分者將降留之案開  
覆按其未完銀兩另作分數再行按年完納如  
完不及七分者五參降四級調用若完不及七  
分之半降五級調用十萬兩以上之案統作十  
分計算勒限十五年分五限以三年為一限每  
限能完至二分者免其處分若完不及數初參  
降二級留任二參降三級留任三參降四級留  
任四參降五級留任十五年限滿能完至七分  
者將降留之案開復按其未完銀兩另作分數

再行按年完納如完不及七分者五等降五級  
調用俱另行起限仍令完納完日開復若完不  
及七分之半即行革職仍勒限一年嚴追不得  
以家產盡絕率行咨部請免僕仍延不完繳即  
從嚴參辦奏明請

旨如革職後能如數全完係廳員題請開復係督撫  
大員奏明請

旨其子孫代賠如有未完亦照此辦理○六年奏准

河工屬員分賠

係銷六賠  
四之款

代賠

係子孫代祖  
父賠繳之款攤

賠

係上司代屬  
員賠繳之款

等項銀兩未完數在一千兩以

下之案於奉到咨文之日起限一年完繳。初參不完罰俸九月。再限一年完繳。二參不完罰俸一年。仍再限一年完繳。三參不完降一級留任。另行起限。仍令完納。完日開復一千兩以上之案。統作十分計算。勒限四年。分四限。以一年為一限。每年能完至二分五釐者。免其處分。若完不及數。初參罰俸九月。二參罰俸一年。三參罰俸二年。四參降一級留任。另行起限。仍令完納。完日開復五千兩以上之案。統作十分計算。勒限五年。分五限。以一年為一限。每年能完至二

分者免其處分。若完不及數。初參罰俸九月。二參罰俸一年。三參罰俸二年。四參降一級留任。五年限滿。能完至七分者。將降留之案開復。按其未完銀兩。另作分數。再行按年完納。如完不及七分者。五參降一級。調用一萬兩以上之案。統作十分計算。勒限六年。分四限。以一年半為一限。每限能完至二分五釐者。免其處分。若完不及數。初參罰俸二年。二參降一級留任。三參降二級留任。六年限滿。能完至七分者。將降留之案開復。按其未完銀兩。另作分數。再行按年



完納。如完不及七分者。四參降二級調用。五萬兩以上之案。統作十分計算。勒限十年。分五限。以二年為一限。每限能完至二分者。免其處分。若完不及數。初參罰俸二年。二參降一級留任。三參降二級留任。四參降三級留任。十年限滿。能完至七分者。將降留之案開復。按其未完銀兩。另作分數。再行按年完納。如完不及七分者。五參降三級調用。十萬兩以上之案。統作十分計算。勒限十五年。分五限。以三年為一限。每限能完至二分者。免其處分。若完不及數。初參降

一級留任。二參降二級留任。三參降三級留任。四參降四級留任。十五年限滿能完至七分者。將降留之案開復。按其未完銀兩另作分數。再行按年完納。如完不及七分者。五參降四級調用。俱勒限嚴追。以上降調處分。如係有級可抵。不致離任之員。另行起限。仍令完納。完日開復。至子孫代祖父賠繳之項。如有未完。無論其現在子孫官階之大小。總以祖父係在何任內獲咎。即照何例議處。○九年奏准督撫總河河工

分賠

係銷六賠四之數

代賠

係子孫代祖父賠繳之數

攤賠

係上司屬員

賠繳等項銀兩未完。以奉到咨文之日起。如數

在一千兩以下之案。於文到日起。限一年完繳。初參不完。罰俸九月。再限一年完繳。二參不完。罰俸一年。仍再限一年完繳。三參不完。罰俸二年。另行起限。仍令完納。一千兩以上之案。統作十分計算。勒限四年。分四限。以一年為一限。每年能完至二分五釐者。免其處分。若完不及數。初參罰俸九月。二參罰俸一年。三參罰俸二年。四參降一級留任。另行起限。仍令完納。完日開復五千兩以上之案。統作十分計算。勒限五年。

分五限以一年為一限每年能完至二分者免其處分若完不及數初參罰俸九月二參罰俸一年三參罰俸二年四參降一級留任五參降二級留任另行起限仍令完納完日開復一萬兩以上之案統作十分計算勒限六年分四限以一年半為一限每限能完至二分五釐者免其處分若完不及數初參罰俸二年二參降一級留任三參降二級留任四參降三級留任另行起限仍令完納完日開復五萬兩以上之案統作十分計算勒限十年分五限以二年為一

限每限能完至二分者免其處分若完不及數  
初參罰俸二年二參降一級留任三參降二級  
留任四參降三級留任十年限滿能完至七分  
者將降留之案開復按其未完銀兩另作分數  
再行按年完納如完不及七分者五參降一級  
調用十萬兩以上之案統作十分計算勒限十  
五年分五限以三年為一限每限能完至二分  
者免其處分若完不及數初參降一級留任二  
參降二級留任三參降三級留任四參降四級  
留任十五年限滿能完至七分者將降留之案

開復按其未完銀兩另作分數再行按年完納如完不及七分者五參降二級調用俱勒限嚴追以上降調處分如係有級可抵不致離任之員另行起限仍令完納完日開復至于孫代祖父賠繳之項如有未完無論其現在子孫官階之大小總以祖父係在何任內獲答即照何例議處○又奏准河工溢領銀兩

係辦料未足領銀易錢未繳或

領銀未辦各款

以奉到咨文之日起扣如數在三百兩

以下者勒限兩月完繳限滿不完及完不足數係現任人員停其升調效力者停其補授再限

兩月完繳限內全完。准其開復。如再不完。現任人員暫行解任。效力人員暫革職銜。再限兩月完繳。限內全完。准其開復。儻仍不完。革職監追。仍令完納。全完。開復。數在三百兩以上者。勒限四月完繳。限滿不完。及完不足數。將該員罰俸一年。係現任人員。停其升調。效力者。停其補授。再限四月完繳。限內全完。准其開復。如再不完。現任人員暫行解任。效力人員暫革職銜。再限四月完繳。限內全完。准其開復。儻仍不完。革職監追。仍令完納。全完。開復。儻該管道員催追不

力如本員應停升停補者道員罰俸六月本員應解任暫革職銜者道員罰俸一年本員應革職者道員降一級留任三年無過開復○又奏准河工溢領銀兩未繳身故責令該管上司攤賠數在三百兩以下者限六月完繳初限不完罰俸一年再限一年完繳二限不完降一級留任再限一年完繳三限不完降一級調用如數在三百兩以上者限六月完繳初限不完罰俸二年再限一年完繳二限不完降二級留任再限一年完繳三限不完降二級調用若有級可



抵不致離任之員另行起限仍令完納完日開復